

孟子白文

上

孟子卷之一

梁惠王章句上

孟子見梁惠王。

王曰。叟不遠千里而來。亦將有以利吾國乎。

孟子對曰。王何必曰利。亦有仁義而已矣。

王曰。何以利吾國。大夫曰。何以利吾家。士庶人曰。何以利吾身。上下交征利而國危矣。萬乘之國。弑其君者。必千乘之家。千乘之國。弑其君者。必百乘之家。萬取千焉。千取百焉。不爲不多矣。苟爲後義而先利。不奪不饜。

去乘

聲 反 於

未有仁而遺其親者也。未有義而後其君者也。

王亦曰仁義而已矣。何必曰利。

○孟子見梁惠王。王立於沼上。顧鴻鴈麋鹿。曰賢者亦

樂此乎。樂音洛
篇內同

孟子對曰。賢者而後樂此。不賢者雖有此不樂也。

詩云。經始靈臺。經之營之。庶民攻之。不日成之。經始勿
亟。庶民子來。王在靈囿。麋鹿攸伏。麋鹿濯濯。白鳥鶴鶴。
王在靈沼。於物魚躍。文王以民力爲臺爲沼。而民歡樂。

之謂其臺曰靈臺。謂其沼曰靈沼。樂其有麋鹿魚鼈。古

之人與民偕樂。故能樂也。

亟音棘。應。作。鷺音戶。角。反。於音烏。詩。

湯誓曰。時日害喪。予及女偕亡。民欲與之偕亡。雖有臺

池鳥獸。豈能獨樂哉。

害音局。喪去聲。女音汝。

○梁惠王曰。寡人之於國也。盡心焉耳矣。河內凶。則移其民於河東。移其粟於河內。河東凶亦然。察鄰國之政。無如寡人之用心者。鄰國之民不加少。寡人之民不加多。何也。

孟子對曰。王好戰。請以戰喻。填然鼓之。兵刃既接。棄甲

曳兵而走。或百步而後止，或五十步而後止。以五十步笑百步，則何如？曰：不可。直不百步耳，是亦走也。曰：王如知此，則無望民之多於鄰國也。

好去聲
填音田

不農違時，穀不可勝食也。數罟不入洿池，魚鼈不可勝食也。斧斤以時入山林，材木不可勝用也。穀與魚鼈不可勝食，材木不可勝用，是使民養生喪死無憾也。養生喪死無憾，王道之始也。

勝音升
罟音古
洿音烏
數音促

五畝之宅，樹之以桑，五十者可以衣帛矣。雞豚狗彘之畜，無失其時，七十者可以食肉矣。百畝之田，勿奪其時。

數口之家。可以無飢矣。謹庠序之教。申之以孝悌之義。頽白者不負戴於道路矣。七十者衣帛食肉。黎民不飢不寒。然而不王者。未之有也。

王去聲。衣去聲。畜教。六反。數去聲。凡有天下者。人稱。

之曰王則平聲。據其身臨天下而言曰王則去聲。後皆放此。

狗彘食人食而不知檢。塗有餓莩而不知發。人死則曰非我也。歲也是何異於刺人而殺之。曰非我也。兵也。王無罪歲。斯天下之民至焉。

莩平。表反。刺七亦反。

○梁惠王曰。寡人願安承教。

孟子對曰。殺人以梃與刃。有以異乎。曰。無以異也。

梃徒反。

以刃與政有以異乎。曰無以異也。

曰庖有肥肉。廄有肥馬。民有飢色。野有餓莩。此率獸而食人也。

獸相食。且人惡之。爲民父母。行政不免於率獸而食人。

惡在其爲民父母也。

惡之之惡平聲
在之惡平聲

仲尼曰。始作俑者。其無後乎。爲其象人而用之也。如之。

何其使斯民飢而死也。

備音勇
爲去聲

○梁惠王曰。晉國天下莫強焉。叟之所知也。及寡人之身。東敗於齊。長子死焉。西喪地於秦七百里。南辱於楚。

寡人恥之。願比死者一洒之。如之何則可。

長上必喪反去聲比上必喪反去

洒與同

孟子對曰。地方百里而可以王。

王如施仁政於民。省刑罰。薄稅斂。深耕易耨。壯者以暇日脩其孝悌忠信。入以事其父兄。出以事其長上。可使

制梃以撻秦楚之堅甲利兵矣。

省所梗反斂易皆去聲梃奴豆反長上聲

彼奪其民時。使不得耕耨。以養其父母。父母凍餓。兄弟

妻子離散。

養去聲

彼陷溺其民。王往而征之。夫誰與王敵。

夫音扶

二五
二、
卷一
故曰。仁者無敵。王請勿疑。

○孟子見梁襄王。

出語人曰。望之不似人君。就之而不見所畏焉。卒然問

曰。天下惡乎定。吾對曰。定于一。

語去聲卒七
沒反惡平聲

孰能一之。

對曰。不嗜殺人者能一之。

孰能與之。

對曰。天下莫不與也。王知夫苗乎。七八月之間旱。則苗槁矣。天油然作雲。沛然下雨。則苗浡然興之矣。其如是。

孰能禦之。今夫天下之人。牧未有不嗜殺人者也。如有不嗜殺人者。則天下之民。皆引領而望之矣。誠如是也。民歸之。由水之就下。沛然誰能禦之。

夫音扶。滂音物。由當作猶。古字借用。

後多
放此

○齊宣王問曰。齊桓晉文之事。可得聞乎。

孟子對曰。仲尼之徒。無道桓文之事者。是以後世無傳焉。臣未之聞也。無以則王乎。

曰。德何如。則可以王矣。曰。保民而王。莫之能禦也。

曰。若寡人者。可以保民乎哉。曰。可。曰。何由知吾可也。曰。

臣聞之胡齧曰。王坐於堂上。有牽牛而過堂下者。王見之。曰。牛何之。對曰。將以釁鐘。王曰。舍之。吾不忍其觶觶。若無罪而就死地。對曰。然則廢釁鐘與。曰。何可廢也。以羊易之。不識有諸。

觶音核舍上聲觶音速與平聲

曰。有之。曰。是心足以王矣。百姓皆以王爲愛也。臣固知王之不忍也。

王曰。然。誠有百姓者。齊國雖褊小。吾何愛一牛。卽不忍其觶觶。若無罪而就死地。故以羊易之也。

曰。王無異於百姓之。以王爲愛也。以小易大。彼惡知之。

王若隱其無罪而就死地。則牛羊何擇焉。王笑曰。是誠何心哉。我非愛其財而易之以羊也。宜乎百姓之謂我愛也。

惡平聲

曰無傷也。是乃仁術也。見牛未見羊也。君子之於禽獸也。見其生。不忍見其死。聞其聲。不忍食其肉。是以君子

遠庖廚也。

遠去聲

王說曰。詩云。他人有心。予忖度之。夫子之謂也。夫我乃行之。反而求之。不得吾心。夫子言之。於我心有戚戚焉。

此心之所以合於王者。何也。

說音悅。忖。我。之。夫。音。扶。待。洛。反。

曰。有復於王者曰。吾力足以舉百鈞而不足以舉一羽。明足以察秋毫之末而不見輿薪。則王許之乎。曰。否。今恩足以及禽獸而功不至於百姓者。獨何與。然則一羽之不舉。爲不用力焉。輿薪之不見。爲不用明焉。百姓之不見保。爲不用恩焉。故王之不王。不爲也。非不能也。

與平

變爲不之
爲去聲

曰。不爲者與不能者之形。何以異。曰。挾太山以超北海。語人曰。我不能。是誠不能也。爲長者折枝。語人曰。我不能。是不爲也。非不能也。故王之不王。非挾太山以超北

海之類也。王之不王，是折枝之類也。

語去聲，去聲，長上聲，爲長折之爲。

反舌

老吾老，以及人之老；幼吾幼，以及人之幼，天下可運於掌。詩云：刑于寡妻，至于兄弟，以御于家邦。言舉斯心，加諸彼而已。故推恩足以保四海，不推恩無以保妻子。古之人所以大過人者，無他焉，善推其所爲而已矣。今恩足以及禽獸，而功不至於百姓者，獨何與？

與平聲。

權然後知輕重，度然後知長短，物皆然，心爲甚。王請度

之。

度之度，待洛反，度。

抑王興甲兵危士臣構怨於諸侯然後快於心與與平聲
王曰否吾何快於是將以求吾所大欲也

曰王之所大欲可得聞與王笑而不言曰爲肥甘不足於口與輕煖不足於體與抑爲采色不足視於目與聲音不足聽於耳與便嬖不足使令於前與王之諸臣皆足以供之而王豈爲是哉曰否吾不爲是也曰然則王之所大欲可知已欲辟土地朝秦楚莅中國而撫四夷也以若所爲求若所欲猶緣木而求魚也與平聲爲不肥

爲之
平聲
脾爲皆去聲便令皆
與脾同朝音潮

王曰。若是其甚與。曰。殆有甚焉。緣木求魚。雖不得魚。無後災。以若所爲。求若所欲。盡心力而爲之。後必有災。曰。可得聞與。曰。鄒人與楚人戰。則王以爲孰勝。曰。楚人勝。曰。然則小固不可以敵大。寡固不可以敵衆。弱固不可以敵彊。海內之地方千里者九。齊集有其一。以一服八。何以異於鄒敵楚哉。蓋亦反其本矣。

甚與聞與
之與平聲

今王發政施仁。使天下仕者皆欲立於王之朝。耕者皆欲耕於王之野。商賈皆欲藏於王之市。行旅皆欲出於王之塗。天下之欲疾其君者。皆欲赴愬於王。其若是孰

能禦之。

朝音潮 買音古 慙與訴同

王曰。吾慙不能進於是矣。願夫子輔吾志。明以教我。我雖不敏。請嘗試之。

曰。無恆產而有恆心者。惟士爲能。若民則無恆產。因無恆心。苟無恆心。放辟邪侈。無不爲已。及陷於罪。然後從而刑之。是罔民也。焉有仁人在位。罔民而可爲也。

恆登 胡反

辟與僻同 焉於度反

是故明君制民之產。必使仰足以事父母。俯足以畜妻子。樂歲終身飽。凶年免於死亡。然後驅而之善。故民之

從之也輕。

畜反許六下同

今也制民之產。仰不足以事父母。俯不足以畜妻子。樂歲終身苦。凶年不免於死亡。此惟救死而恐不贍。奚暇治禮義哉。

治平聲凡治字爲理物之義者去聲後皆放此

王欲行之。則盍反其本矣。

五畝之宅。樹之以桑。五十者可以衣帛矣。雞豚狗彘之畜。無失其時。七十者可以食肉矣。百畝之田。勿奪其時。八口之家。可以無飢矣。謹庠序之教。申之以孝悌之義。頽白者不負戴於道路矣。老者衣帛食肉。黎民不飢不

寒然而不王者。未之有也。前音見章

梁惠王章句下

莊暴見孟子曰。暴見於王。王語暴以好樂。暴未有以對也。曰。好樂何如。孟子曰。王之好樂甚。則齊國其庶幾乎。

見於之見音現下見於同語
去聲下同好去聲篇內並同

他日見於王曰。王嘗語莊子以好樂。有諸。王變乎色曰。寡人非能好先王之樂也。直好世俗之樂耳。

曰。王之好樂甚。則齊其庶幾乎。今之樂由古之樂也。

曰。可得聞與。曰。獨樂樂。與人樂樂。孰樂。曰。不若與人。曰。

與少樂樂。與衆樂樂。孰樂。曰。不若與衆。

聞與下字音平洛聲

孰樂亦音洛

臣請爲王言樂。

爲去聲

今王鼓樂於此。百姓聞王鐘鼓之聲。管籥之音。舉疾首

蹙頰而相告曰。吾王之好鼓樂。夫何使我至於此極也。

父子不相見。兄弟妻子離散。今王田獵於此。百姓聞王

車馬之音。見羽旄之美。舉疾首蹙頰而相告曰。吾王之

好田獵。夫何使我至於此極也。父子不相見。兄弟妻子

離散。此無他不與民同樂也。

蹙頰音六反。頰音過。夫音扶。同樂之樂音洛。

今王鼓樂於此。百姓聞王鐘鼓之聲。管籥之音。舉欣欣然有喜色。而相告曰。吾王庶幾無疾病與。何以能鼓樂也。今王田獵於此。百姓聞王車馬之音。見羽旄之美。舉欣欣然有喜色。而相告曰。吾王庶幾無疾病與。何以能田獵也。此無他。與民同樂也。

病與之與平聲
同樂之樂音洛

今王與百姓同樂。則王矣。

○齊宣王問曰。文王之囿。方七十里。有諸。孟子對曰。於傳有之。

囿音又傳
直戀反

曰。若是其大乎。曰。民猶以爲小也。曰。寡人之囿。方四十

里民猶以爲大。何也。曰。文王之囿。方七十里。芻蕘者往焉。雉兔者往焉。與民同之。民以爲小。不亦宜乎。芻音初。蕘音饒。

臣始至於境。問國之大禁。然後敢入。臣聞郊關之內。有囿。方四十里。殺其麋鹿者。如殺人之罪。則是方四十里。爲阱於國中。民以爲大。不亦宜乎。阱音才。反。

○齊宣王問曰。交鄰國有道乎。孟子對曰。有。惟仁者爲能以大事小。是故湯事葛。文王事昆夷。惟智者爲能以

小事大。故大王事獯鬻。句踐事吳。

獯音薰。鬻音鈞。句音鉤。

以大事小者。樂天者也。以小事大者。畏天者也。樂天者

保天下畏天者保其國

樂音洛

詩云畏天之威于時保之

王曰大哉言矣寡人有疾寡人好勇

對曰王請無好小勇夫撫劍疾視曰彼惡敢當我哉此

匹夫之勇敵一人者也王請大之

夫撫之夫音扶惡平聲

詩云王赫斯怒爰整其旅以遏徂莒以篤周祜以對于天下此文王之勇也文王一怒而安天下之民

書曰天降下民作之君作之師惟曰其助上帝寵之四方有罪無罪惟我在天下曷敢有越厥志一人衡行於

天下武王恥之。此武王之勇也。而武王亦一怒而安天

下之民。

衡與
橫同

今王亦一怒而安天下之民。民惟恐王之不好勇也。

○齊宣王見孟子於雪宮。王曰：「賢者亦有此樂乎？」孟子

對曰：「有人不得則非其上矣。」

樂音洛
下同

不得而非其上者，非也。爲民上而不與民同樂者，亦非也。

樂民之樂者，民亦樂其樂。憂民之憂者，民亦憂其憂。樂以天下，憂以天下，然而不王者，未之有也。

昔者齊景公問於晏子曰。吾欲觀於轉附朝儻。遵海而

南。放於琅邪。吾何脩而可以比於先王觀也。

朝音潮
放音聲

晏子對曰。善哉問也。天子適諸侯曰巡狩。巡狩者。巡所
守也。諸侯朝於天子曰述職。述職者。述所職也。無非事
者。春省耕而補不足。秋省斂而助不給。夏諺曰。吾王不
遊。吾何以休。吾王不豫。吾何以助。一遊一豫。爲諸侯度。

狩舒救反
省悉井反

今也不然。師行而糧食。飢者弗食。勞者弗息。眊眊胥讒。
民乃作慝。方命虐民。飲食若流。流連荒亡。爲諸侯憂。

古明

反縣

從流下而忘反。謂之流。從流上而忘反。謂之連。從獸無

厭。謂之荒。樂酒無厭。謂之亡。

厭平聲

先王無流連之樂。荒亡之行。

行去聲

惟君所行也。

景公說。大戒於國。出舍於郊。於是始興發。補不足。召太

師曰。爲我作君臣相說之樂。蓋徵招角招是也。其詩曰。

畜君何尤。畜君者。好君也。

說音悅。爲去聲。樂如字。徵陟。里反。招與韶同。畜敎。六反。陟。

○齊宣王問曰。人皆謂我毀明堂。毀諸已乎。

孟子對曰。夫明堂者。王者之堂也。王欲行王政。則勿毀之矣。

扶夫音

王曰。王政可得聞與。對曰。昔者文王之治岐也。耕者九一。仕者世祿。關市譏而不征。澤梁無禁。罪人不孥。老而無妻曰鰥。老而無夫曰寡。老而無子曰獨。幼而無父曰孤。此四者。天下之窮民而無告者。文王發政施仁。必先斯四者。詩云。哿矣富人。哀此熒獨。

瓊

與平聲孥音反。哿工音反。齔音姑。

王曰。善哉言乎。曰。王如善之。則何爲不行。王曰。寡人有

疾。寡人好貨。對曰。昔者公劉好貨。詩云。乃積乃倉。乃裹餼糧。于橐于囊。思戢用光。弓矢斯張。干戈戚揚。爰方啟行。故居者有積倉。行者有裹糧也。然後可以爰方啟行。

王如好貨。與百姓同之。於王何有。

嚴音侯。秦音拓。詩作輯音集。

王曰。寡人有疾。寡人好色。對曰。昔者大王好色。愛厥妃。詩云。古公亶父。來朝走馬。率西水滸。至於岐下。爰及姜女。聿來胥宇。當是時也。內無怨女。外無曠夫。王如好色。與百姓同之。於王何有。

大音秦。

○孟子謂齊宣王曰。王之臣有託其妻子於其友而之。

楚遊者比其反也。則凍餒其妻子。則如之何。王曰棄之。

二比
反必

曰士師不能治士。則如之何。王曰已之。

曰四境之內不治。則如之何。王顧左右而言他。治去聲

○孟子見齊宣王曰。所謂故國者。非謂有喬木之謂也。有世臣之謂也。王無親臣矣。昔者所進。今日不知其亡也。

王曰。吾何以識其不才而舍之。舍上聲

曰。國君進賢如不得已。將使卑踰尊。疏踰戚。可不慎與。

左右皆曰賢。未可也。諸大夫皆曰賢。未可也。國人皆曰賢。然後察之。見賢焉。然後用之。左右皆曰不可。勿聽。諸大夫皆曰不可。勿聽。國人皆曰不可。然後察之。見不可焉。然後去之。去上聲

左右皆曰可殺。勿聽。諸大夫皆曰可殺。勿聽。國人皆曰可殺。然後察之。見可殺焉。然後殺之。故曰國人殺之也。如此。然後可以爲民父母。

○齊宣王問曰。湯放桀。武王伐紂。有諸。孟子對曰。於傳

有之。

傳直
戀反

曰臣弑其君可乎。

曰賊仁者謂之賊。賊義者謂之殘。殘賊之人謂之一夫。聞誅一夫紂矣。未聞弑君也。

○孟子見齊宣王曰。爲巨室則必使工師求大木。工師得大木則王喜。以爲能勝其任也。匠人斲而小之。則王怒。以爲不勝其任矣。夫人幼而學之。壯而欲行之。王曰。姑舍女所學而從我。則何如。

上勝平聲
女聲夫音汝
下同

今有璞玉於此。雖萬鎰必使玉人彫琢之。至於治國家。

則曰姑舍女所學而從我。則何以異於教玉人彫琢玉

哉。

澄 音

○齊人伐燕勝之。

宣王問曰。或謂寡人勿取。或謂寡人取之。以萬乘之國。伐萬乘之國。五旬而舉之。人力不至於此。不取必有天

殃。取之何如。

下乘去聲
下同

孟子對曰。取之而燕民悅。則取之。古之人有行之者。武王是也。取之而燕民不悅。則勿取。古之人有行之者。文王是也。

以萬乘之國伐萬乘之國。簞食壺漿以迎王師。豈有他哉。避水火也。如水益深。如火益熱。亦運而已矣。簞音丹 食音嗣

○齊人伐燕。取之。諸侯將謀救燕。宣王曰。諸侯多謀伐寡人者。何以待之。孟子對曰。臣聞七十里為政於天下者。湯是也。未聞以千里畏人者也。

書曰。湯一征自葛始。天下信之。東面而征。西夷怨。南面而征。北狄怨。曰。奚為後我。民望之。若大旱之望雲霓也。歸市者不止。耕者不變。誅其君而弔其民。若時雨降。民

大悅。書曰。徯我后。后來其蘇。徯音覓 胡禮反

今燕虐其民。王往而征之。民以爲將拯己於水火之中也。簞食壺漿以迎王師。若殺其父兄。係累其子弟。毀其宗廟。遷其重器。如之何其可也。天下固畏齊之彊也。今又倍地而不行仁政。是動天下之兵也。

累力
追反

王速出令。反其旄倪。止其重器。謀於燕衆。置君而後去之。則猶可及止也。

施與
倪同
五稽
反同

○鄒與魯鬪。穆公問曰。吾有司死者三十三人。而民莫之死也。誅之則不可勝誅。不誅則疾視其長上之死而不救。如之何則可也。

胡弄
反勝
同平
長上
聲下

孟子對曰。凶年饑歲。君之民老弱轉乎溝壑。壯者散而之四方者。幾千人矣。而君之倉廩實。府庫充。有司莫以告。是上慢而殘下也。曾子曰。戒之戒之。出乎爾者。反乎爾者也。夫民今而後得反之也。君無尤焉。幾上音扶君行仁政。斯民親其上。死其長矣。

○滕文公問曰。滕小國也。閒於齊楚。事齊乎。事楚乎。去開

聲

孟子對曰。是謀非吾所能及也。無已。則有一焉。鑿斯池也。築斯城也。與民守之。效死而民弗去。則是可爲也。

○滕文公問曰。齊人將築薛。吾甚恐。如之何則可。

孟子對曰。昔者大王居邠。狄人侵之。去之岐山之下。居焉。非擇而取之。不得已也。

邠與

苟爲善。後世子孫必有王者矣。君子創業垂統。爲可繼也。若夫成功則天也。君如彼何哉。彊爲善而已矣。

扶夫
彊音

聲上

○滕文公問曰。滕小國也。竭力以事大國。則不得免焉。如之何則可。孟子對曰。昔者大王居邠。狄人侵之。事之以皮幣。不得免焉。事之以犬馬。不得免焉。事之以珠玉。

不得免焉。乃屬其耆老而告之曰：狄人之所欲者，吾土地也。吾聞之也。君子不以其所以養人者害人。二三子何患乎無君？我將去之。去邠，踰梁山，邑于岐山之下居焉。邠人曰：「仁人也，不可失也。」從之者如歸市。屬音

或曰：世守也，非身之所能爲也。效死勿去。

君請擇於斯二者。

○魯平公將出，嬖人臧倉者請曰：「他日君出，則必命有司所之。今乘輿已駕矣，有司未知所之，敢請。」公曰：「將見孟子。」曰：「何哉？君所爲輕身以先於匹夫者，以爲賢乎？禮

義由賢者出。而孟子之後喪踰前喪。君無見焉。公曰諾。

聲去

樂正子入見曰。君奚爲不見孟軻也。曰。或告寡人曰。孟子之後喪踰前喪。是以不往見也。曰。何哉。君所謂踰者。前以士。後以大夫。前以三鼎。而後以五鼎。與曰。否。謂棺椁衣衾之美也。曰。非所謂踰也。貧富不同也。

聲

入見之見
音現與平

樂正子見孟子曰。克告於君。君爲來見也。嬖人有臧倉者。沮君。君是以不果來也。曰。行或使之。止或尼之。行止

非人所能也。吾之不遇魯侯，天也。臧氏之子焉，能使子

不遇哉。

爲去聲
乙反
聲沮
焉於
慈呂
反
尼

孟子卷之二

公孫丑章句上

公孫丑問曰。夫子當路於齊。管仲晏子之功。可復許乎。

又復
反扶

孟子曰。子誠齊人也。知管仲晏子而已矣。

或問乎曾西曰。吾子與子路孰賢。曾西蹙然曰。吾先子之所畏也。曰。然則吾子與管仲孰賢。曾西粦然不悅曰。爾何曾比予於管仲。管仲得君如彼其專也。行乎國政如彼其久也。功烈如彼其卑也。爾何曾比予於是。

六楚
反子

純音拂又音
曾並音增

曰管仲曾西之所不爲也。而子爲我願之乎。

子爲之
爲去聲

曰管仲以其君霸。晏子以其君顯。管仲晏子猶不足爲

與。

與平聲

曰以齊王由反手也。

王去聲
由猶通

曰若是則弟子之惑滋甚。且以文王之德百年而後崩。猶未洽於天下。武王周公繼之。然後大行。今言王若易

然則文王不足法與。

易去聲
與平聲下

曰文王何可當也。由湯至於武丁。賢聖之君六七作。天

下歸殷久矣。久則難變也。武丁朝諸侯。有天下。猶運之
掌也。紂之去武丁未久也。其故家遺俗。流風善政。猶有
存者。又有微子。微仲。王子比干。箕子。膠鬲。皆賢人也。相
與輔相之。故久而後失之也。尺地莫非其有也。一民莫
非其臣也。然而文王猶方百里起。是以難也。朝音潮 隔音隔 又音隔

歷輔之相去聲
猶方之猶與由通

齊人有言曰。雖有智慧。不如乘勢。雖有鎡基。不如待時。

今時則易然也。鎡音茲

夏后殷周之盛。地未有過千里者也。而齊有其地矣。雞

鳴狗吠相聞而達乎四境而齊有其民矣地不改辟矣

民不改聚矣行仁政而王莫之能禦也

辟與同

且王者之不作未有疏於此時者也民之憔悴於虐政未有甚於此時者也飢者易爲食渴者易爲飲

孔子曰德之流行速於置郵而傳命

郵音尤

當今之時萬乘之國行仁政民之悅之猶解倒懸也故

事半古之人功必倍之惟此時爲然

乘去聲

○公孫丑問曰夫子加齊之卿相得行道焉雖由此霸王不異矣如此則動心否乎孟子曰否我四十不動心

聲相去

曰。若是。則夫子過孟賁遠矣。曰。是不難。告子先我不動。

心。

奔 賁 音

曰。不動。心有道乎。曰。有。

北宮黝之養勇也。不膚撓。不目逃。思以一毫挫於人。若撻之於市朝。不受於褐寬博。亦不受於萬乘之君。視刺

萬乘之君。若刺褐夫。無嚴諸侯。惡聲至。必反之。

黝 撻 伊 糾 反 撻 奴

效 反 朝 音 潮 乘 去 聲

孟施舍之所養勇也。曰。視不勝。猶勝也。量敵而後進。慮

勝而後會。是畏三軍者也。舍豈能爲必勝哉。能無懼而

已矣。

舍去聲
下同

孟施舍似曾子。北宮黝似子夏。夫二子之勇。未知其孰

賢。然而孟施舍守約也。

夫音扶

昔者曾子謂子襄曰。子好勇乎。吾嘗聞大勇於夫子矣。自反而不縮。雖褐寬博。吾不憚焉。自反而縮。雖千萬人。

吾往矣。

好去聲
憚之
瑞反

孟施舍之守氣。又不如曾子之守約也。

曰。敢問夫子之不動心。與告子之不動心。可得聞與。告

子曰不得於言。勿求於心。不得於心。勿求於氣。不得於心。勿求於氣。可不得於言。勿求於心。不可。夫志氣之帥也。氣體之充也。夫志至焉。氣次焉。故曰持其志無暴其

氣。

聞與平聲
夫與音扶
志之夫音扶

既曰志至焉。氣次焉。又曰持其志無暴其氣者。何也。曰志壹則動氣。氣壹則動志也。今夫蹶者趨者。是氣也。而

反動其心。

夫音扶

敢問夫子惡乎長。曰我知言。我善養吾浩然之氣。

惡平聲

敢問何謂浩然之氣。曰難言也。

其爲氣也。至大至剛。以直養而無害。則塞于天地之間。

其爲氣也。配義與道。無是餒也。

餒 罪反 叙反

是集義所生者。非義襲而取之也。行有不慊於心。則餒

矣。我故曰。告子未嘗知義。以其外之也。

慊 劫二反 口 口 口

必有事焉而勿正。心勿忘。勿助長也。無若宋人然。宋人

有閔其苗之不長而揠之者。芒芒然歸。謂其人曰。今日

病矣。予助苗長矣。其子趨而往視之。苗則槁矣。天下之

不助苗長者寡矣。以爲無益而舍之者。不耘苗者也。助

之長者。揠苗者也。非徒無益而又害之。

長 八反 上聲 揠 鳥聲 上聲

何謂知言。曰。諛辭。知其所蔽。淫辭。知其所陷。邪辭。知其
所離。遁辭。知其所窮。生於其心。害於其政。發於其政。害
於其事。聖人復起。必從吾言矣。

諛。彼寄反。復。扶又反。

宰我子貢。善爲說辭。冉牛閔子顏淵。善言德行。孔子兼
之。曰。我於辭命。則不能也。然則夫子既聖矣乎。

行去聲。

曰。惡。是何言也。昔者子貢問於孔子曰。夫子聖矣乎。孔
子曰。聖則吾不能。我學不厭而教不倦也。子貢曰。學不
厭。智也。教不倦。仁也。仁且智。夫子既聖矣。夫聖。孔子不

居。是何言也。

惡。平聲。夫。夫。聖。扶。

昔者竊聞之子夏子游子張皆有聖人之一體冉牛閔子顏淵則具體而微敢問所安

曰姑舍是

舍上聲

曰伯夷伊尹何如曰不同道非其君不事非其民不使治則進亂則退伯夷也何事非君何使非民治亦進亂亦進伊尹也可以仕則仕可以止則止可以久則久可以速則速孔子也皆古聖人也吾未能有行焉乃所願則學孔子也

治去聲

伯夷伊尹於孔子若是班乎曰否自有生民以來未有

孔子也。

曰。然則有同與。曰。有。得百里之地而君之。皆能以朝諸侯。有天下行一不義。殺一不辜。而得天下。皆不爲也。是

則同。

與平聲
朝音潮

曰。敢問其所以異。曰。宰我子貢有若智。足以知聖人。汗

不至阿其所好。

汗音娃
好去聲

宰我曰。以予觀於夫子。賢於堯舜遠矣。

子貢曰。見其禮而知其政。聞其樂而知其德。由百世之後。等百世之王。莫之能違也。自生民以來。未有夫子也。

有若曰。豈惟民哉。麒麟之於走獸。鳳凰之於飛鳥。太山之於丘垤。河海之於行潦。類也。聖人之於民。亦類也。出於其類。拔乎其萃。自生民以來。未有盛於孔子也。

垤。結垤反。

老音

○孟子曰。以力假仁者霸。霸必有六國。以德行仁者王。王不待大。湯以七十里。文王以百里。

以力服人者。非心服也。力不贍也。以德服人者。中心悅而誠服也。如七十子之服孔子也。詩云。自西自東。自南自北。無思不服。此之謂也。

○孟子曰。仁則榮。不仁則辱。今惡辱而居不仁。是猶惡

溼而居下也。

惡去聲
下同

如惡之。莫如貴德而尊士。賢者在位。能者在職。國家閒

暇。及是時。明其政刑。雖大國必畏之矣。

閒音

詩云。迨天之未陰雨。徹彼桑土。綢繆牖戶。今此下民。或

敢侮予。孔子曰。爲此詩者。其知道乎。能治其國家。誰敢

侮之。

徹直列反
綢音稠
繆反
武彪音杜
反

今國家閒暇。及是時。般樂怠敖。是自求禍也。

般音盤
音洛
敖音樂

傲

禍福無不自己求之者

詩云永言配命自求多福太甲曰天作孽猶可違自作孽不可活此之謂也

列孽反魚

○孟子曰尊賢使能俊傑在位則天下之士皆悅而願立於其朝矣

朝音潮

市廛而不征法而不廛則天下之商皆悅而願藏於其市矣

關譏而不征則天下之旅皆悅而願出於其路矣

耕者助而不稅則天下之農皆悅而願耕於其野矣

麀無夫里之布。則天下之民皆悅而願爲之氓矣。

氓音

信能行此五者。則鄰國之民仰之若父母矣。率其子弟。攻其父母。自生民以來。未有能濟者也。如此則無敵於天下。無敵於天下者。天吏也。然而不王者。未之有也。

孟子曰。人皆有不忍人之心。

先王有不忍人之心。斯有不忍人之政矣。以不忍人之心。行不忍人之政。治天下可運之掌上。

所以謂人皆有不忍人之心者。今人乍見孺子將入於井。皆有怵惕惻隱之心。非所以內交於孺子之父母也。

非所以要譽於鄉黨朋友也。非惡其聲而然也。

內揄音
讀爲

納要平聲惡
去聲下同

由是觀之。無惻隱之心。非人也。無羞惡之心。非人也。無辭讓之心。非人也。無是非之心。非人也。

惻隱之心。仁之端也。羞惡之心。義之端也。辭讓之心。禮之端也。是非之心。智之端也。

人之有是四端也。猶其有四體也。有是四端。而自謂不能者。自賊者也。謂其君不能者。賊其君者也。

凡有四端於我者。知皆擴而充之矣。若火之始然。泉之

始達。苟能充之。足以保四海。苟不充之。不足以事父母。

彫價音

○孟子曰。矢人豈不仁於函人哉。矢人唯恐不傷人。函人唯恐傷人。巫匠亦然。故術不可不慎也。

函音含

孔子曰。里仁爲美。擇不處仁焉得智。夫仁天之尊爵也。

人之安宅也。莫之禦而不仁。是不智也。

焉於虔反。夫音扶。

不仁不智。無禮無義。人役也。人役而恥爲役。由弓人而

恥爲弓。矢人而恥爲矢也。

由與同。

如恥之。莫如爲仁。

仁者如射。射者正己而後發。發而不中。不怨勝己者。反

求諸己而已矣。

中 去
聲

○孟子曰。子路人告之以有過則喜。

禹聞善言則拜。

大舜有大焉。善與人同。舍己從人。樂取於人以爲善。

上 舍

聲 樂
音 洛

自耕稼陶漁以至爲帝。無非取於人者。

取諸人以爲善。是與人爲善者也。故君子莫大乎與人爲善。

○孟子曰。伯夷。非其君不事。非其友不友。不立於惡人之朝。不與惡人言。立於惡人之朝。與惡人言。如以朝衣朝冠。坐於塗炭。推惡惡之心。思與鄉人立。其冠不正。望望然去之。若將浼焉。是故諸侯雖有善其辭命而至者。不受也。不受也者。是亦不屑就已。下朝音潮。惡惡上。去聲。如字。浼莫罪反。

柳下惠。不羞汙君。不卑小官。進不隱賢。必以其道。遺佚而不怨。阨窮而不憫。故曰。爾爲爾。我爲我。雖袒裼裸裎。於我側。爾焉能浼我哉。故由由然與之偕。而不自失焉。

援而止之而止。援而止之而止者。是亦不屑去已。遺佚祖音。

音但揚音錫裸魯果反程
音程焉能之焉於度反程

孟子曰。伯夷隘。柳下惠不恭。隘與不恭。君子不由也。

公孫丑章句下

孟子曰。天時不如地利。地利不如人和。

三里之城。七里之郭。環而攻之而不勝。夫環而攻之。必

有得天時者矣。然而不勝者。是天時不如地利也。

夫音扶

城非不高也。池非不深也。兵革非不堅利也。米粟非不多也。委而去之。是地利不如人和也。

故曰。域民不以封疆之界。固國不以山谿之險。威天下

不以兵革之利。得道者多助。失道者寡助。寡助之至。親戚畔之。多助之至。天下順之。

以天下之所順。攻親戚之所畔。故君子有不戰。戰必勝矣。

○孟子將朝王。王使人來曰。寡人如就見者也。有寒疾。不可以風。朝將視朝。不識可使寡人得見乎。對曰。不幸而有疾。不能造朝。

章內朝並音潮。惟朝將之。朝如字。造七到反。下同。

明日出弔於東郭氏。公孫丑曰。昔者辭以病。今日弔。或者不可乎。曰。昔者疾。今日愈。如之何不弔。

王使人問疾。醫來。孟仲子對曰。昔者有王命。有采薪之憂。不能造朝。今病小愈。趨造於朝。我不識能至否乎。使數人要於路曰。請必無歸而造於朝。

要平聲

不得已而之。景丑氏宿焉。景子曰。內則父子。外則君臣。人之大倫也。父子主恩。君臣主敬。丑見王之敬子也。未見所以敬王也。曰。惡。是何言也。齊人無以仁義與王言者。豈以仁義爲不美也。其心曰。是何足與言仁義也。云爾。則不敬莫大乎是。我非堯舜之道。不敢以陳於王前。故齊人莫如我敬王也。

惡平聲
下同

景子曰。否。非此之謂也。禮曰。父召無諾。君命召不俟駕。固將朝也。聞王命而遂不果。宜與夫禮若不相似然。

音夫

同扶下

曰。豈謂是與。曾子曰。晉楚之富不可及也。彼以其富。我以吾仁。彼以其爵。我以吾義。吾何慊乎哉。夫豈不義而曾子言之。是或一道也。天下有達尊三。爵一齒一德一。朝廷莫如爵。鄉黨莫如齒。輔世長民莫如德。惡得有其一以慢其二哉。

與平聲 謙口
反長上聲

故將大有爲之君。必有所不召之臣。欲有謀焉。則就之。

其尊德樂道。不如是不足與有爲也。

樂音洛

故湯之於伊尹。學焉而後臣之。故不勞而王。桓公之於管仲。學焉而後臣之。故不勞而霸。

今天下地醜德齊。莫能相尙。無他。好臣其所教。而不好

臣其所受教。

好去聲

湯之於伊尹。桓公之於管仲。則不敢召。管仲且猶不可召。而况不爲管仲者乎。

陳臻問曰。前日於齊。王餽兼金一百而不受。於宋。餽七十鎰而受。於薛。餽五十鎰而受。前日之不受。是則今日

之受非也。今日之受是。則前日之不受非也。夫子必居一於此矣。

孟子曰。皆是也。

當在宋也。子將有遠行。行者必以贐。辭曰餽贐。子何爲

不受。刀贐反徐

當在薛也。子有戒心。辭曰聞戒。故爲兵餽之。子何爲不

受。爲去聲

若於齊。則未有處也。無處而餽之。是貨之也。焉有君子

而可以貨取乎。虛爲反於

○孟子之平陸。謂其大夫曰。子之持戟之士。一日而三

失伍。則去之否乎。曰。不待三。

去上聲

然則子之失伍也亦多矣。凶年饑歲。子之民老羸轉於溝壑。壯者散而之四方者。幾千人矣。曰。此非距心之所

得爲也。

幾上聲

曰。今有受人之牛羊而爲之牧之者。則必爲之求牧與芻矣。求牧與芻而不得。則反諸其人乎。抑亦立而視其死與。曰。此則距心之罪也。

爲去聲 死與聲 平聲

他日見於王曰。王之爲都者。臣知五人焉。知其罪者。惟

孔距心爲王誦之。王曰：此則寡人之罪也。

之見音現爲去聲王

○孟子謂蚺鼃曰：子之辭靈丘而請士師，似也。爲其可

以善也。今旣數月矣，未可以言與。

爲蚺音運與鼃音花反

蚺鼃諫於王而不用，致爲臣而去。

齊人曰：所以爲蚺鼃則善矣，所以自爲則吾不知也。

去爲

聲

公都子以告。

曰：吾聞之也。有官守者，不得其職則去；有言責者，不得其言則去。我無官守，我無言責也，則吾進退豈不綽綽。

然有餘裕哉。

○孟子爲卿於齊。出弔於滕。王使蓋大夫王驩爲輔行。

王驩朝暮見。反齊滕之路。未嘗與之言行事也。

蓋古盍反。見音現。

公孫丑曰。齊卿之位。不爲小矣。齊滕之路。不爲近矣。反之而未嘗與言行事。何也。曰。夫既或治之。予何言哉。

音夫。

扶

○孟子自齊。葬於魯。反於齊。止於嬴。充虞請曰。前日不知虞之不肖。使虞敦匠事。嚴虞不敢請。今願竊有請也。木若以美然。

曰古者棺槨無度。中古棺七寸。槨稱之。自天子達於庶

人。非直爲觀美也。然後盡於人心。

稱去聲

不得。不可以爲悅。無財。不可以爲悅。得之爲有財。古之人皆用之。吾何爲獨不然。

且比化者無使土親膚。於人心獨無慼乎。

比必二反
慼音效

吾聞之也。君子不以天下儉其親。

○沈同以其私問曰。燕可伐與。孟子曰。可。子噲不得與人燕。子之不得受燕於子噲。有仕於此。而子悅之。不告於王。而私與之。吾子之祿爵。夫士也。亦無王命。而私受

之於子則可乎。何以異於是。

伐與之與平聲下伐
與殺與同夫音扶

齊人伐燕。或問曰。勸齊伐燕。有諸。曰。未也。沈同問燕可伐與。吾應之曰。可。彼然而伐之也。彼如曰。孰可以伐之。則將應之曰。爲天吏則可以伐之。今有殺人者。或問之曰。人可殺與。則將應之曰。可。彼如曰。孰可以殺之。則將應之曰。爲士師則可以殺之。今以燕伐燕。何爲勸之哉。

○燕人畔。王曰。吾甚慙於孟子。

陳賈曰。王無患焉。王自以爲與周公孰仁且智。王曰。惡。是何言也。曰。周公使管叔監殷。管叔以殷畔。知而使之。

是不仁也。不知而使之。是不智也。仁智周公未之盡也。

而況於王乎。賈請見而解之。

惡聲皆平聲

見孟子問曰。周公何人也。曰。古聖人也。曰。使管叔監殷。管叔以殷畔也。有諸。曰。然。曰。周公知其將畔而使之。與。曰。不知也。然則聖人且有過與。曰。周公弟也。管叔兄也。

周公之過。不亦宜乎。

與平聲

且古之君子。過則改之。今之君子。過則順之。古之君子。其過也。如日月之食。民皆見之。及其更也。民皆仰之。今之君子。豈徒順之。又從爲之辭。

更平聲

○孟子致爲臣而歸。

王就見孟子曰。前日願見而不可得。得侍同朝甚喜。今又棄寡人而歸。不識可以繼此而得見乎。對曰。不敢請耳。固所願也。

朝音潮

他日王謂時子曰。我欲中國而授孟子室。養弟子以萬

鍾。使諸大夫國人皆有所矜式。子盍爲我言之。

爲去聲

時子因陳子而以告孟子。陳子以時子之言告孟子。

孟子曰。然。夫時子惡知其不可也。如使予欲富。辭十萬而受萬。是爲欲富乎。

夫音扶
惡平聲

季孫曰異哉子叔疑使已爲政不用則亦已矣又使其子弟爲卿人亦孰不欲富貴而獨於富貴之中有私龍斷焉。

龍能音

古之爲市者以其所有易其所無者有司者治之耳有賤丈夫焉必求龍斷而登之以左右望而罔市利人皆以爲賤故從而征之征商自此賤丈夫始矣。

○孟子去齊宿於晝。

晝如字或曰當作晝音獲下同

有欲爲王留行者坐而言不應隱几而臥。

爲去聲下同隱於新反

客不悅曰弟子齊宿而後敢言夫子臥而不聽請勿復

二、
身一
敢見矣。曰坐我明語子。昔者魯繆公無人乎子思之側。則不能安子思。泄柳申詳無人乎繆公之側。則不能安

其身。

齊側皆反。復扶。又反。語去聲。

子爲長者慮而不及子思。子絕長者乎。長者絕子乎。

上長

聲

○孟子去齊。尹士語人曰。不識王之不可以爲湯武。則是不明也。識其不可。然且至。則是干澤也。千里而見王。不遇故去。三宿而後出晝。是何濡滯也。士則茲不悅。

去語

聲

高子以告。

曰。夫尹士惡知予哉。千里而見王。是予所欲也。不遇故

去。豈予所欲哉。予不得已也。

夫音扶下
同惡平聲

予三宿而出。晝於予心。猶以爲速。王庶幾改之。王如改
諸。則必反予。

夫出晝而王不予追也。予然後浩然有歸志。予雖然。豈
舍王哉。王由足用爲善。王如用予。則豈徒齊民安。天下
之民舉安。王庶幾改之。予日望之。

予豈若是小丈夫然哉。諫於其君而不受。則怒悻悻然。

見於其面。去則窮日之力而後宿哉。

悻形頂反
見普現

尹士聞之曰。士誠小人也。

○孟子去齊。充虞路問曰。夫子若有不豫色然。前日虞聞諸夫子曰。君子不怨天。不尤人。

曰。彼一時也。此一時也。

五百年必有王者興。其閒必有名世者。

由周而來。七百有餘歲矣。以其數則過矣。以其時考之。則可矣。

夫天未欲平治天下也。如欲平治天下。當今之世。舍我

其誰也。吾何爲不豫哉。

舍夫上音扶聲

○孟子去齊。居休。公孫丑問曰。仕而不受祿。古之道乎。曰。非也。於崇。吾得見王。退而有去志。不欲變。故不受也。繼而有師命。不可以請。久於齊。非我志也。

孟子卷之三

滕文公章句上

滕文公爲世子將之楚過宋而見孟子。

孟子道性善言必稱堯舜。

世子自楚反復見孟子。孟子曰：「世子疑吾言乎？夫道一

而已矣。」

復扶又反
夫書扶

成覲謂齊景公曰：「彼丈夫也。我丈夫也。吾何畏彼哉？」顏淵曰：「舜何人也？予何人也？有爲者亦若是。」公明儀曰：「文

王我師也。周公豈欺我哉？」

覲反古

今膝絕長補短將五十里也。猶可以爲善國。書曰。若藥

不瞑眩。厥疾不瘳。

瞑莫旬反
眩音縣

○滕定公薨。世子謂然友曰。昔者孟子嘗與我言於宋。於心終不忘。今也不幸至於大故。吾欲使子問於孟子。然後行事。

然友之鄒。問於孟子。孟子曰。不亦善乎。親喪固所自盡也。曾子曰。生事之以禮。死葬之以禮。祭之以禮。可謂孝矣。諸侯之禮。吾未之學也。雖然。吾嘗聞之矣。三年之喪。齊疏之服。飭粥之食。自天子達於庶人。三代共之。

齊魯曾

所居反 鉞
諸延反

然友反命。定爲三年之喪。父兄百官皆不欲。曰。吾宗國魯先君莫之行。吾先君亦莫之行也。至於子之身而反之。不可。且志曰。喪祭從先祖。曰。吾有所受之也。

謂然友曰。吾他日未嘗學問。好馳馬試劍。今也父兄百官不我足也。恐其不能盡於大事。子爲我問孟子。然友復之鄒。問孟子。孟子曰。然。不可以他求者也。孔子曰。君薨。聽於冢宰。歆粥。面深墨。卽位而哭。百官有司莫敢不哀。先之也。上有好者。下必有甚焉者矣。君子之德風也。

小人之德。草也。草尚之風必偃。是在世子。

好爲皆去聲
復扶又反

川悅
反

然友反命。世子曰。然是誠在我。五月居廬。未有命。戒百官族人。可謂曰知。及至葬。四方來觀之。顏色之戚。哭泣之哀。弔者大悅。

○滕文公問爲國。

孟子曰。民事不可緩也。詩云。晝爾于茅。宵爾索綯。亟其乘屋。其始播百穀。

樹音陶
紀力反

民之爲道也。有恆產者有恆心。無恆產者無恆心。苟無

恆心放辟邪侈。無不爲己。及陷於罪。然後從而刑之。是罔民也。焉有仁人在位。罔民而可爲也。

是故賢君必恭儉禮下。取於民有制。

陽虎曰。爲富不仁矣。爲仁不富矣。

夏后氏五十而貢。殷人七十而助。周人百畝而徹。其實

皆什一也。徹者徹也。助者藉也。

徹子敷列反
藉子夜列反

龍子曰。治地莫善於助。莫不善於貢。貢者校數歲之中。以爲常。樂歲粒米狼戾。多取之而不爲虐。則寡取之。凶年糞其田而不足。則必取盈焉。爲民父母。使民盼盼然。

將終歲勤動。不得以養其父母。又稱貸而益之。使老稚

轉乎溝壑。惡在其爲民父母也。

樂音洛。盼音普。禮反。從目。從分。或音普。克反。者非。

養去聲。惡平聲。

夫世祿。滕固行之矣。

夫音扶。

詩云。雨我公田。遂及我私。惟助爲有公田。由此觀之。雖

周亦助也。

雨付反。于反。

設爲庠序學校以教之。庠者養也。校者教也。序者射也。夏曰校。殷曰序。周曰庠。學則三代共之。皆所以明人倫也。人倫明於上。小民親於下。

有王者起。必來取法。是爲王者師也。

詩云。周雖舊邦。其命維新。文王之謂也。子力行之。亦以新子之國。

使畢戰問井地。孟子曰。子之君將行仁政。選擇而使子。子必勉之。夫仁政。必自經界始。經界不正。井地不均。穀祿不平。是故暴君汙吏。必慢其經界。經界既正。分田制

祿。可坐而定也。

扶夫音

夫滕壤地褊小。將爲君子焉。將爲野人焉。無君子莫治

野人。無野人莫養君子。

夫音扶
養去聲

請野九一而助。國中什一使自賦。

卿以下必有圭田。圭田五十畝。

餘夫二十五畝。

死徙無出鄉。鄉田同井。出入相友。守望相助。疾病相扶。持則百姓親睦。

方里而井。井九百畝。其中爲公田。八家皆私百畝。同養

公田。公事畢。然後敢治私事。所以別野人也。

養去聲
別列反

此其大略也。若夫潤澤之。則在君與子矣。

扶夫音

○有爲神農之言者許行。自楚之滕。踵門而告文公曰。

遠方之人聞君行仁政。願受一廛而爲氓。文公與之處。其徒數十人。皆衣褐。搢屨。織席以爲食。搢去聲。織音闕。陳良之徒陳相。與其弟辛。負耒耜而自宋之滕。曰。聞君行聖人之政。是亦聖人也。願爲聖人氓。

陳相見許行而大悅。盡棄其學而學焉。陳相見孟子。道許行之言曰。滕君則誠賢君也。雖然。未聞道也。賢者與民並耕而食。饗殮而治。今也。滕有倉廩府庫。則是厲民而以自養也。惡得賢。饗音雍。殮音聲。

孟子曰。許子必種粟而後食乎。曰。然。許子必織布而後

衣乎曰否許子衣褐許子冠乎曰冠曰奚冠曰冠素曰
自織之與曰否以粟易之曰許子奚爲不自織曰害於
耕曰許子以釜甑爨以鐵耕乎曰然自爲之與曰否以

粟易之與衣去聲
與平聲

以粟易械器者不爲厲陶冶陶冶亦以其械器易粟者
豈爲厲農夫哉且許子何不爲陶冶舍皆取諸其宮中
而用之何爲紛紛然與百工交易何許子之不憚煩曰
百工之事固不可耕且爲也舍去
聲
然則治天下獨可耕且爲與有大人之事有小人之事

且一人之身而百工之所爲備。如必自爲而後用之。是率天下而路也。故曰。或勞心。或勞力。勞心者治人。勞力者治於人。治於人者食人。治人者食於人。天下之通義

也。

與平聲
食音嗣

當堯之時。天下猶未平。洪水橫流。汜濫於天下。草木暢茂。禽獸繁殖。五穀不登。禽獸逼人。獸蹄鳥跡之道。交於中國。堯獨憂之。舉舜而敷治焉。舜使益掌火。益烈山澤而焚之。禽獸逃匿。禹疏九河。瀕濟漯而注諸海。決汝漢。排淮泗而注之江。然後中國可得而食也。當是時也。禹

八年於外。三過其門而不入。雖欲耕得乎。

淪反音樂
濟合子

反

后稷教民稼穡。樹藝五穀。五穀熟而民人育。人之有道也。飽食煖衣。逸居而無教。則近於禽獸。聖人有憂之。使契爲司徒。教以人倫。父子有親。君臣有義。夫婦有別。長幼有序。朋友有信。放勳曰。勞之來之。匡之直之。輔之翼之。使自得之。又從而振德之。聖人之憂民如此。而暇耕乎。

乎。

契音薛別彼列反長放
竝上聲勞來竝去聲

堯以不得舜爲己憂。舜以不得禹皋陶爲己憂。夫以百

畝之不易爲己憂者農夫也。

夫音扶
易去聲

分人以財謂之惠。教人以善謂之忠。爲天下得人者謂

之仁。是故以天下與人易。爲天下得人難。

爲易並
去聲

孔子曰。大哉堯之爲君。惟天爲大。惟堯則之。蕩蕩乎民無能名焉。君哉舜也。巍巍乎有天下而不與焉。堯舜之

治天下。豈無所用其心哉。亦不用於耕耳。

與去
聲

吾聞用夏變夷者。未聞變於夷者也。陳良。楚產也。悅周公仲尼之道。北學於中國。北方之學者。未能或之先也。彼所謂豪傑之士也。子之兄弟。事之數十年。師死而遂

倍之。

昔者孔子沒。三年之外。門人治任將歸。入揖於子貢。相嚮而哭。皆失聲。然後歸。子貢反。築室於場。獨居三年。然後歸。他日子夏子張子游。以有若似聖人。欲以所事孔子事之。彊曾子。曾子曰。不可。江漢以濯之。秋陽以暴之。

皜皜乎不可尙已。

任平聲 彌木反 彌強上聲 皜泉暴

今也南蠻缺舌之人。非先王之道。子倍子之師而學之。

亦異於曾子矣。

古彌亦作購 反

吾聞出於幽谷。遷于喬木者。未聞下喬木而入於幽谷。

者。

魯頌曰。戎狄是膺。荆舒是懲。周公方且膺之。子是之學。亦爲不善變矣。

從許子之道。則市賈不貳。國中無僞。雖使五尺之童。適市。莫之或欺。布帛長短同。則賈相若。麻縷絲絮輕重同。則賈相若。五穀多寡同。則賈相若。屨大小同。則賈相若。

賈音價
下同

曰。夫物之不齊。物之情也。或相倍蓰。或相什伯。或相千萬。子比而同之。是亂天下也。巨屨小屨同賈。人豈爲之。

哉。從許子之道相率而爲僞者也。惡能治國家。夫音扶
莖音師

又山綺反比必
二反惡平聲

○墨者夷之。因徐辟而求見孟子。孟子曰。吾固願見。今

吾尙病。病愈。我且往見。夷子不來。辟音壁
又音關

他日又求見孟子。孟子曰。吾今則可以見矣。不直則道

不見。我且直之。吾聞夷子墨者。墨之治喪也。以薄爲其

道也。夷子思以易天下。豈以爲非是而不貴也。然而夷

子葬其親厚。則是以所賤事親也。不見之
見音現

徐子以告夷子。夷子曰。儒者之道。古之人若保赤子。此

言何謂也。之則以爲愛無差等。施由親始。徐子以告孟子。孟子曰。夫夷子信以爲人之親其兄之子。爲若親其鄰之赤子乎。彼有取爾也。赤子匍匐將入井。非赤子之罪也。且天之生物也。使之一本。而夷子二本故也。

夫下音扶

同匍匐北反

蓋上世嘗有不葬其親者。其親死則舉而委之於壑。他日過之。狐狸食之。蠅蚋姑嘬之。其類有泚。睨而不視。夫泚也。非爲人泚。中心達於面目。蓋歸反蘖裡而掩之。掩之誠是也。則孝子仁人之掩其親。亦必有道矣。

納音楚怪

反此此
力追反
體反
力知
音讀
爲去
反

徐子以告夷子。夷子憮然爲閒曰：命之矣。

滕文公章句下

陳代曰：不見諸侯，宜若小然。今一見之，大則以王，小則以霸。且志曰：枉尺而直尋，宜若可爲也。

王去聲

孟子曰：昔齊景公田，招虞人以旌，不至，將殺之。志士不忘在溝壑，勇士不忘喪其元。孔子奚取焉？取非其招不往也。如不待其招而往，何哉？

喪去聲

且夫枉尺而直尋者，以利言也。如以利，則枉尋直尺而

利亦可爲與。

夫音扶
與平聲

昔者趙簡子使王良與嬖奚乘終日而不獲一禽。嬖奚反命曰：天下之賤工也。或以告王良，良曰：請復之。彊而後可。一朝而獲十禽。嬖奚反命曰：天下之良工也。簡子曰：我使掌與女乘，謂王良良不可，曰：吾爲之範，我馳驅，終日不獲一禽。爲之詭遇，一朝而獲十禽。詩云：不失其馳，舍矢如破。我不貫與小人乘，請辭。

乘去聲
爲去聲
彊上聲
舍上聲
女音

御者且羞與射者比，比而得禽獸，雖若丘陵，弗爲也。如枉道而從彼，何也？且子過矣，枉己者，未有能直人者也。

二比反必

○景春曰。公孫衍。張儀。豈不誠大丈夫哉。一怒而諸侯懼。安居而天下熄。

孟子曰。是焉得為大丈夫乎。子未學禮乎。丈夫之冠也。父命之。女子之嫁也。母命之。往送之門。戒之曰。往之女家。必敬必戒。無違夫子。以順為正者。妾婦之道也。焉於反

冠去聲女家之女音汝

居天下之廣居。立天下之正位。行天下之大道。得志與民由之。不得志獨行其道。富貴不能淫。貧賤不能移。威

武不能屈。此之謂大丈夫。

○周霄問曰。古之君子仕乎。孟子曰。仕。傳曰。孔子三月無君。則皇皇如也。出疆必載質。公明儀曰。古之人三月無君。則弔。傳直變反質。與贊下同。三月無君。則弔。不以急乎。

曰。士之失位也。猶諸侯之失國家也。禮曰。諸侯耕助。以供粢盛。夫人蠶繅。以爲衣服。犧牲不成。粢盛不潔。衣服不備。不敢以祭。惟士無田。則亦不祭。牲殺器皿衣服不備。不敢以祭。則不敢以宴。亦不足弔乎。

盛音成。繅音素。反皿。武永反。素刀。

出疆必載質。何也。

曰。士之仕也。猶農夫之耕也。農夫豈爲出疆舍其耒耜。

哉。

爲去聲
舍上聲

曰。晉國亦仕國也。未嘗聞仕如此其急。仕如此其急也。君子之難仕。何也。曰。丈夫生而願爲之有室。女子生而願爲之有家。父母之心。人皆有之。不待父母之命。媒妁之言。鑽穴隙相窺。踰牆相從。則父母國人皆賤之。古之人未嘗不欲仕也。又惡不由其道。不由其道而往者。與

鑽穴隙之類也。

爲去聲
逆去聲
反聲
灼去聲
酌去聲
隙

○彭更問曰。後車數十乘。從者數百人。以傳食於諸侯。不以泰乎。孟子曰。非其道。則一簞食不可受於人。如其道。則舜受堯之天下。不以爲泰乎。

更平聲
從皆去聲

傳直聲
音丹
食音
音反
音聲

曰。否。士無事而食。不可也。

曰。子不通功易事。以羨補不足。則農有餘粟。女有餘布。子如通之。則梓匠輪輿。皆得食於子。於此有人焉。入則孝。出則悌。守先王之道。以待後之學者。而不得食於子。子何尊梓匠輪輿。而輕爲仁義者哉。

羨
反延

曰梓匠輪輿其志將以求食也。君子之爲道也其志亦將以求食與。曰子何以其志爲哉。其有功於子可食而食之矣。且子食志乎。食功乎。曰食志。與平聲可食而食食志食功之食皆

下音同

曰有人於此毀瓦畫墁其志將以求食也。則子食之乎。

曰否。曰然則子非食志也。食功也。之慢武安反子食

○萬章問曰。宋小國也。今將行王政。齊楚惡而伐之。則

如之何。聲去

孟子曰。湯居亳。與葛爲鄰。葛伯放而不祀。湯使人問之。

曰。何爲不祀。曰。無以供犧牲也。湯使遺之牛羊。葛伯食之。又不以祀。湯又使人問之曰。何爲不祀。曰。無以供粢盛也。湯使亳衆往爲之耕。老弱饋食。葛伯率其民。要其有酒食黍稻者奪之。不授者殺之。有童子以黍肉餉。殺而奪之。書曰。葛伯仇餉。此之謂也。

遺之爲季反。唯爲去聲。饋食。成往。

食之餉式亮反。要平聲。

爲其殺是童子而征之。四海之內皆曰。非富天下也。爲

匹夫匹婦復讐也。

爲去聲。

湯始征。自葛載。十一征而無敵於天下。東面而征。西夷

怨南面而征北狄。怨曰：奚爲後我？民之望之。若大旱之望雨也。歸市者弗止，芸者不變，誅其君，弔其民，如時雨降。民大悅。書曰：徯我后，后來其無罰。

有攸不爲臣。東征，綏厥士女，匪厥玄黃。紹我周王，見休。惟臣附于大邑周。其君子實玄黃于匪，以迎其君子。其小人簞食壺漿，以迎其小人。救民於水火之中，取其殘而已矣。

食音

太誓曰：我武惟揚，侵于之疆，則取于殘，殺伐用張，于湯有光。

不行王政云爾。苟行王政，四海之內皆舉首而望之，欲以爲君。齊楚雖大，何畏焉。

○孟子謂戴不勝曰：子欲子之王之善與？我明告子。有楚大夫於此，欲其子之齊語也，則使齊人傳諸；使楚人傳諸，曰：使齊人傳之，曰：一齊人傳之，衆楚人咻之，雖曰撻而求其齊也，不可得矣；引而置之莊嶽之間，數年，雖曰撻而求其楚，亦不可得矣。

與咻音平
聲休

子謂薛居州善士也，使之居於王所，在於王所者，長幼卑尊皆薛居州也；王誰與爲不善？在王所者，長幼卑尊

皆非薛居州也。王誰與爲善。一薛居州獨如宋王何。上長

聲

○公孫丑問曰。不見諸侯何義。孟子曰。古者不爲臣不見。

段干木踰垣而辟之。泄柳閉門而不內。是皆已甚。迫斯

可以見矣。

辟去聲內
與納同

陽貨欲見孔子而惡無禮。大夫有賜於士。不得受於其家。則往拜其門。陽貨矚孔子之亡也。而饋孔子蒸豚。孔子亦矚其亡也。而往拜之。當是時。陽貨先。豈得不見。見欲

之見音現惡
去聲音勸

曾子曰。脅肩諂笑。病于夏畦。子路曰。未同而言。觀其色。赧赧然。非由之所知也。由是觀之。則君子之所養可知已矣。

脅音虛。兼反。赧音簡。簡反。

○戴盈之曰。什一。去關市之征。今茲未能。請輕之。以待來年。然後已。何如。

去上聲。

孟子曰。今有人日攘其鄰之雞者。或告之曰。是非君子之道。曰。請損之。月攘一雞。以待來年。然後已。

攘音如。羊反。

如知其非義。斯速已矣。何待來年。

○公都子曰。外人皆稱夫子好辯。敢問何也。孟子曰。子

豈好辯哉。予不得已也。

下同。好去聲。

天下之生久矣。一治一亂。

治去聲。

當堯之時。水逆行。汜濫於中國。蛇龍居之。民無所定。下

者爲巢。上者爲營窟。書曰。洚水警余。洚水者洪水也。

音洚。

降又胡黃
工二反

使禹治之。禹掘地而注之海。驅蛇龍而放之菹。水由地
中行。江。淮。河。漢是也。險阻既遠。鳥獸之害人者消。然後

人得平土而居之。

菹。魚反。側。

堯舜既沒。聖人之道衰。暴君代作。壞宮室以爲汙池。民無所安息。棄田以爲園囿。使民不得衣食。邪說暴行又作。園囿汙池。沛澤多而禽獸至。及紂之身。天下又大亂。

樂音怪行去聲
下同沛瀟內反

周公相武王。誅紂伐奄。三年討其君。驅飛廉於海隅。而戮之。滅國者五十。驅虎豹犀象而遠之。天下大悅。書曰。不顯哉。文王謨。丕承哉。武王烈。佑啓我後人。咸以正無。

缺。奄相去聲
平去聲

世衰道微。邪說暴行有作。臣弑其君者有之。子弑其父。

者有之。

又有古字通用爲

孔子懼作春秋。春秋天子之事也。是故孔子曰。知我者其惟春秋乎。罪我者其惟春秋乎。

聖王不作。諸侯放恣。處士橫議。楊朱墨翟之言盈天下。天下之言不歸楊。則歸墨。楊氏爲我。是無君也。墨氏兼愛。是無父也。無父無君。是禽獸也。公明儀曰。庖有肥肉。廄有肥馬。民有飢色。野有餓莩。此率獸而食人也。楊墨之道不息。孔子之道不著。是邪說誣民。充塞仁義也。仁

義充塞。則率獸食人。人將相食。

橫爲皆去聲
莩皮表反

吾爲此懼。閑先聖之道。距楊墨。放淫辭。邪說者不得作。作於其心。害於其事。作於其事。害於其政。聖人復起。不
易吾言矣。爲去聲復扶又反

昔者禹抑洪水而天下平。周公兼夷狄。驅猛獸而百姓
寧。孔子成春秋而亂臣賊子懼。

詩云。戎狄是膺。荆舒是懲。則莫我敢承。無父無君。是周
公所膺也。

我亦欲正人心。息邪說。距詖行。放淫辭。以承三聖者。豈
好辯哉。予不得已也。行好皆去聲

能言距楊墨者。聖人之徒也。

○匡章曰。陳仲子。豈不誠廉士哉。居於陵。三日不食耳。無聞目無見也。井上有李。螬食實者過半矣。匍匐往將

食之。三咽。然後耳有聞。目有見。

於音烏。下於陵同。嘈音曹。咽音宴。

孟子曰。於齊國之士。吾必以仲子爲巨擘焉。雖然。仲子惡能廉。充仲子之操。則蚓而後可者也。

擘薄聲。蚓反。引惡。

夫蚓上食槁壤。下飲黃泉。仲子所居之室。伯夷之所築。與。抑亦盜跖之所築。與。所食之粟。伯夷之所樹。與。抑亦

盜跖之所樹。與。是未可知也。

夫音扶。與平聲。

曰是何傷哉。彼身織履。妻辟纊。以易之也。

辟音壁
纊音盧

曰仲子齊之世家也。兄戴蓋祿萬鍾。以兄之祿爲不義之祿而不食也。以兄之室爲不義之室而不居也。辟兄離母。處於於陵。他日歸。則有饋其兄生鵝者。已頰頰曰。惡用是覩覩者爲哉。他日其母殺是鵝也。與之食之。其兄自外至。曰是覩覩之肉也。出而哇之。

蓋音閉
頰音避
與音同
頰音與

覩同子
哇反
音娃
聲

以母則不食。以妻則食之。以兄之室則弗居。以於陵則居之。是尙爲能充其類也乎。若仲子者。蚓而後充其操。

者也。